



KENYATAAN MEDIA

15 FEBRUARI 2023

MBSB BANK DAN UiTM KOMITED DALAM MEMPERKASAKAN PENDIDIKAN KEWANGAN

PETALING JAYA, 15 Februari 2023 – MBSB Bank Berhad (MBSB Bank) dan Universiti Teknologi MARA (UiTM) menandatangani Memorandum Persefahaman (MoU) bagi memperkasakan pendidikan kewangan menerusi program-program pembelajaran dan pengurusan kewangan untuk pembangunan akademik dan perniagaan.

Program-program yang akan diadakan merangkumi penyelidikan, kursus, seminar dan persidangan bagi mempertingkatkan lagi tahap pengetahuan kewangan mahasiswa dan mahasiswi UiTM. Ini ialah dalam usaha untuk melahirkan graduan yang berkompetensi tinggi untuk diserapkan ke dalam industri perbankan serta industri-industri lain. Program-program yang dijalankan akan turut memenuhi aspirasi MBSB Bank untuk memupuk semangat pembelajaran sepanjang hayat di kalangan kakitangannya.

Menurut Profesor Datuk Ts. Dr. Hajah Roziah Mohd Janor, Naib Canselor UiTM, "Kolaborasi ini dapat melebar luas dan merancakkan lagi bidang digital, ekonomi lestari, akademik dan penyelidikan antara kedua-dua pihak serta menjadikan UiTM pemacu dalam teknik penyampaian dan perkhidmatan universiti yang lebih berkesan seiring tuntutan kemajuan teknologi semasa."

"Saya yakin kerjasama ini dapat membuka ruang dan peluang kepada pelajar UiTM untuk menjalani latihan industri dan pelbagai aktiviti bersama MBSB Bank, seterusnya membantu meningkatkan kebolehpasaran graduan UiTM," katanya.

Ketua Pegawai Eksekutif Kumpulan MBSB Bank, Datuk Nor Azam M. Taib berkata, "MBSB Bank adalah anak syarikat Malaysia Building Society Berhad (MBSB) yang merupakan institusi pembiayaan perumahan pertama yang menyediakan perkhidmatan semenjak sebelum merdeka lagi. Dengan pengalaman yang melangkaui beberapa dekad, ditambah pula dengan pengalaman UiTM yang merupakan institusi pendidikan negara yang ditubuhkan semenjak 1956, kami yakin kolaborasi ini akan dapat untuk turut membantu dalam pembangunan modal insan menerusi para graduan yang berkompetensi dan kebolehpasaran yang tinggi."

Tambah beliau lagi, "MBSB Bank turut giat menjalankan pelbagai program pendidikan kewangan untuk generasi muda serta pengusaha perniagaan kecil dan sederhana. Ianya selaras dengan aspirasi MBSB Bank yang sentiasa memandang berat tentang pendidikan kewangan serta perancangannya bagi membantu generasi muda dan masyarakat untuk membuat keputusan kewangan yang bijak dan bertanggungjawab."

Pada masa yang sama, MBSB Bank menyasarkan untuk membawa impak positif dan mampan kepada ekonomi, komuniti dan alam sekitar dengan mengguna pakai Matlamat Pembangunan Mampan Pertubuhan Bangsa-Bangsa Bersatu (UNSDG) dalam operasinya. Melangkah ke hadapan, MBSB Bank bersedia untuk mencapai matlamat utamanya, iaitu menjadi institusi kewangan Islam yang matang sepenuhnya menjelang tahun 2025, atau dijenamakan sebagai Journey25 (J25).

Memorandum persefahaman (MoU) antara UiTM dan MBSB Bank ini merupakan satu inisiatif jangka panjang strategik UiTM 2025. Antara sebab MoU ini diadakan adalah bagi membantu UiTM dalam menjadi kampus digital dengan kampus Puncak Alam selaku perintis. Oleh itu, MBSB Bank akan menjadi tulang belakang bagi menjayakan usaha pendigitalan kampus menerusi kolaborasi dengan Fakulti Pengurusan dan Perniagaan yang merupakan fakulti pengurusan dan perniagaan terbesar di Malaysia yang juga berpangkalan di Kampus Puncak Alam.

-Tamat-

Untuk sebarang pertanyaan, sila hubungi:

Nik Surina Suria Nik Abdullah Jabatan Pemasaran dan Komunikasi Strategik Bahagian Strategi Korporat MBSB Bank Berhad E: niksurina@mbsbbank.com T: 03 7455 5562	Najihah Sani Jabatan Pemasaran dan Komunikasi Strategik Bahagian Strategi Korporat MBSB Bank Berhad E: najihah@mbsbbank.com T: 03 7455 5567
---	--

Mengenai MBSB Bank

MBSB Bank Berhad (MBSB Bank), merupakan sebuah Bank Islam sepenuhnya di Malaysia yang menyediakan kemudahan perbankan patuh syariah kepada pelanggan runcit, perusahaan kecil sederhana dan korporat. Sebagai tambahan kepada senarai komprehensif produk pinjamannya, MBSB Bank, melalui keupayaan digitalnya, memperluaskan saluran pengedarannya melalui perkhidmatan dalam talian seperti perbankan mudah alih dan cawangan maya. MBSB Bank juga aktif menganjurkan kempen bagi menghargai pelanggan-pelanggan setia seperti kempen ‘Simpan Berganda Menang Bergaya’ yang kini berlangsung sehingga 31 Mei 2023. Ianya menawarkan hadiah-hadiah lumayan dengan simpanan minima RM100 di dalam akaun simpanan-i atau semasa-i. Untuk maklumat lanjut, layari www.mbsbbank.com